

Kommune Qeqertalik
Niels Egede Plads 1
3950 Aasiaat

Allakkap ullua: 02-08-2021
Suliap nr.: 2021 - 11291
Akt-id: 17492530

MISSINGIUT Immikkut akuersissutaagallartoq Kommune Qeqertalimmi illoqarfinni Kangaatsiaq, Qeqertarsuaq, Qasigiannugit kiisalu Attumi ulluunerani eqqakkanik ammaannartumik ikuallaaneq.

1. Tunuliaqutaq

Kommune Qeqertalik (matuma kingorna Kommune) Kangaatsiami, Qeqertarsuarmi aamma Qasigiannugani kiisalu nunaqarfinni Niaqortaarsuk Attumilu ulluunerani ammaannartumik eqqakkanik ikuallaanissaq pillugu ulloq 6. maj 2021 qinnuteqarpoq. Kingusinnerusukkut kommunip Niaqornaarsuk qinnuteqaammit peerpaa.

Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq, § 37, imm. 3 tunngavigalugu qinnuteqartoqarpoq.

Qinnuteqarnermut tunngavigineqarpoq, kommune malillugu kommunimi ulluunerani eqqakkat annertuallaarneri, qanittumilu inuit najugaqarfiini pinngortitami, imaanilu avatangiisinit eqqakkanit isumannaatsumik uninngatinneqarsinnaanngitsuni tamaat isigalugu mingutitsineq misigineqartarmat.

Kommunimit qinnuteqaammi allaqqavoq helikopterit atorlugit timmisartornissat taamaatiinnarnissat pisariaqartarsimasoq helikopteritut mittarfiit eqqaanni eqqagassaqarpallaartarmat. Kiisalu eqqakkanik inissiivinni eqqagassaqartangaarmat lastbilit nutaanik eqqakkannik tunniussiartorlutik ingerlasinnaasarsimangitsut.

Qinnuteqaammi atuarneqarsinnaavoq kommunimit Sisimiuni 2024-imi ikuallaaviup nutaap ammarnissaanut poortuinnermut umiarsualivimmullu angallassinissamut atortut piareersimanissat naatsorsuutigineqartoq, kiisalu inoqarfinni tamani eqqakkanik suliaqarfiit tulluartut pilersinneqassasut inatsisit atuuttut naapertorlugit immikkoortiterineq naleqquttumik ingerlanneqassammat. Eqqakkanut pilersaarummut naapertuuttunik eqqakkanik suliassaqarfinnik pilersitsinissaq unamminartortaqarpoq tassami pilersitsiffiusussat eqqakkanik annertuumik ulikkaaqqammata.

2. Inatsisitigut tunngavik

Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq (tamatum kingorna "Igitassanik eqqaasarnermut nalunaarut") §

35 naapertorlugu eqqakkat tamarmik atortuni tamatumunnga atorneqarnissaanik akuerisaasuni suliarineqartassapput.

Taamaattoq igitassanik eqqaasarnermut nalunaarummi § 37, imm. 3, nr. 1-3 aamma imm. 4-mi inatsiseqarpoq ammaannartumik ikuallaaneq periarfissaasoq.

Igitassanik eqqaasarnermut nalunaarummi § 37, imm. 3-mi allaqqavoq sivilunerpaamik qaammatini pingasuni ammaannartumik ikuallaasarallarnissamut imaluunniit eqqakkanik ikuallanneqarsinnaasunik toqqorsigallarnissamut immikkut akuersissuteqartoqarsinnaasoq.

Aamma igitassanik eqqaasarnermut nalunaarummi § 37, imm. 4-mi allaqqavoq Naalackersuisut immikkut ittumik akuersissummi § 37, imm. 3 naapertorlugu piumasaqaatinik sukumiinerusunik aalajangersaasinnaasut, taakkunungalugu piumasaqaatit piffissamut ikuallaaviusussamut, ikuallaariaatsinut atorneqartunut, kiisalu sanaartukkanut imeqarfiillu killeqarfiinut ungasissusissat minnerpaaffiinut tunngasut ilaatinneqarlutik.

Taassuma saniatigut igitassanik eqqaasarnermut nalunaarummi § 37, imm. 3, nr. 1-imi allaqqavoq, immikkut akuersisoqarsinnaasoq aatsaat najukkami, nunap immikkoortuani nunaluunniit tamakkerlugu eqqakkanik ikuallaavimmik avatangiisinut akuerisamik peqartinnagu, ikuallaavik akuerineqartoq ingerlatinnagu imaluunniit allanik peqquteqartumik ikuallaavik atorneqarsinnaatinnagu.

Ilanngullugu § 37, imm. 3, nr. 2-mi allaqqavoq piffissami immikkut akuersissutip atuuffiani kommunalbestyrelse eqqagassalerinermi aaqqiissutissanik tamakkiisunik sulissuteqassasoq.

Kiisalu § 37, imm. 3, nr. 3-mi allaqqavoq kommune eqqagassalerinermut pilersaarummik akuerisamik peqassasoq.

Naammagittaalliornissamut ilitsersuut Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq (tamatuma kingorna avatangiisinut inatsit) kapitali 14 naapertorlugu suliarineqarpoq.

Nunalerinermut, Imminut Pilersornermut, Nukissiutinut Avatangiisinullu Naalackersuisoqarfik, suliffeqarfinnut mingutsitsinerusunut, eqqakkanik ikuallaaviit ilanngullugit nakkutilliinissamut akisussaasutut Naalackersuisunit pisussaataavoq. Ataani "Nakkutilliisussaataatit" eqqartorneqartillugit Nunalerinermut, Imminut Pilersornermut, Nukissiutinut Avatangiisinullu Naalackersuisoqarfik innersuunneqartarpoq.

3. Naalackersuisut aalajangiinerat Piumasaqaatitalimmik immikkut akuersissuteqarallarneq

Naalackersuisut naliliipput, igitassanik eqqaasarnermut nalunaarummi § 37, imm. 3-mi piumasaqaatit naammassineqarsimasut, massakut nalilerneqarmat eqqakkanik ikuallaavinni akuerisani eqqakkanik ikuallaanissamut atortorissaarutininik amigaateqartoqartoq, aammalu kommune akuerisamik

eqqagassalerinermut pilersaaruteqartoq aammalu ilisimatitsissutigigaa eqqagalerinissamut aaqqiissutissanik pilersitsinissaq ataavartumik sulissutigineqartoq. Taamaalilluni igitassanik eqqaasarnermut nalunaarummi § 37, imm. 3, nr. 1-3 naapertorlugu piumasaqaatit naammassineqarsimapput.

Igitassanik eqqaasarnermut nalunaarummi § 37, imm. 3 aamma 4 naapertorlugit taamaattumik Naalakkersuisut nalunaarutigaat immikkut akuersissutitalimmik Kommune Qeqertalimmi Kangaatsiami, Qeqertarsuarmi, Qasigiannuani kiisalu nunaqarfimmi Attumi ammaannartumik eqqakkanik ikuallaasoqarsinnaanera, ukuningga piumasaqaatitalimmik:

Immikkut akuersissut ikuallaavinnut pioreersunut utaqqiisaasumik ilassutitut tunniunneqarpoq, akuersissutillu atuutereersunut atuuffiinut kalluaanani.

Piffissami immikkut akuersissuteqarfiusumi eqqagalerinissamut aaqqiissutissanik pilersitsinissamik ataavartumik sulissutigineqarsimanera kommunip ataavartumik uppersarsinnaanngippagu immikkut akuersissut utertinneqarsinnaavoq.

Igitassanik eqqaasarnermut nalunaarummi § 37, imm. 3-mi piumasaqaatit naapertorlugit immikkut akuersinermi qaammatit pingasut qaangiuppata immikkut akuersissut atorunnaassaaq.

Immikkut akuersissut Nakorsaaneq, Nukissiorfiit, Kommune Qeqertalik aamma Uumasunut Nakorsaarfik Inuusutissalerinermullu Oqartussaaffik tusarniaaffigereerlugit nalunaarutigineqarpoq.

Immikkut akuersissut Kommune Qeqertalimmut tunniunneqarpoq allanullu tunniunneqarsinnaanani.

Immikkut akuersissut suliffimmi atukkanut tunngasunik killilimmik piumasaqaatilimmik imaqarpoq. Tassani qulakkeerneqarpoq kommunip pisussaaffia qulakkiissallugu, immikkut akuersissut sullivinni isumannaallisaanermik inatsimmut atuuttumut naapertuuttumik atorneqarnissaa.

Piumasaqaatit atuuttut

1. Immikkut akuersissutip assilnera tigussaasoq sumiiffimmi ikuallaaviusumi kalaallisut qallunaatullu allaqqasoq qaqugukkulluunniit pissarsiarineqarsinnaassaaq, ingerlatsivimmilu sulisut tamarmik immikkut akuersissutip imaanik piumasaqaataanillu ilisimatinneqarsimassapput.
2. Suliat immikkut akuersissummut attuumassutillit annertuumik allannguuteqassappata Nakkutilliisut ilanngunneqassapput. Sulianik allanillu atortunik allanguinermut attuumassutilinnik nassuiaat iluarsisaq Nakkutilliisunut nassiunneqassaaq, aalajangiiffigineqassaarluk allannguutit immikkut akuersissummi piumasaqaatit iluanniinersut. Allanguutit oqartussat allakkatigut akuersitinnagit atuutsilersinneqassanngilaq.
3. Immikkut akuersissummi matumani allamik aalajangiisoqarsimannngimmat allaaserinnittoqarsimannngippalluunniit, naatsorsuutigineqassaaq eqqakkanik ikuallaavik kommunip

qinnuteqaatigeqqaagaani paasissutissanut naapertuuttuussasoq, uani aalajangiinermi ilanngussatut ilanngunneqartumi.

Ingerlatsinermi piumasagaatit

1. Ammaannartumik ikuallaanermi suleriaaseq taamaallaat ulluunerani eqqakkanik ikuallajasunik ikuallaanermi anartarfilerinermilu atorneqassaaq, soorlu kommunip qinnuteqaataani allaqqasoq, ilanngussat takukkit. Taamaattumik eqqakkat ima immikkoortiterneqassapput eqqakkat allaanerit ikuallannaveersarneqassallutik.
2. Eqqakkat pillugit Namminersorlutik Oqartussat nalunaarutaat nr. 3, 7. januar 2021-imeersoq naapertorlugu eqqakkat oliat aamma kemikaliartarlit ikuallanneqassanngilluinnarput.
3. Aatsaat ammaannartumik ikuallaasoqassaaq ikuallaavinni pioreersumi naammattunik atortorissaaruteqartoqanngippat.
4. Ajornanngippat aqunneqarsinnaasumik nakkutigiuminartumik ikuallaasoqassaaq, ilanngullugu naleqquttumik eqqakkat katersorneqassapput akulerunneqarlutillu aammalu eqqakkat panertut atorneqassallutik.
5. Ikuallaaneq eqqakkanik inissiivimmi nunaminertami, putumi, cellemi containerimiluunniit naleqquttumi ingerlanneqassaaq. Kommune ikuallaavissap sumiiffissaanik, nunap assiga assilissallu uppernarsaatit ilanngullugit, uppernarsaatinik annertunerusunik nassiussissaaq.
6. Ikuallaaneq najugaqarfiit imeqarfiillu killeqarfii ungasillugit ingerlanneqassaaq, ajornanngippallu najugaqarfimmit miiterit aalajangersimasut ungasissuseqassalluni minnerpaamillu imeqarfiit killeqarfiini miiterinik aalajangersimasunik aamma ungasissuseqassalluni qinnuteqaammi sumiiffinni allaqqasut ilanngussat kakkiussaasut malillugit.
7. Aatsaat ikuallaasoqassaaq anorip sammivia sanaartukkanit imeqarfiillu killeqarfiinut samminngippat.
8. Ikuallaaneq ima pilersaaruserneqassaaq siallertillugu anorlertilluguluunniit ingerlanneqassanani. Anorip sammivia allanngorpat pujoq avatangiisinut akornutaalerluni imaluunniit anori sakkortunerulerpat, imaluunniit siallilerpat ikuallaaneq unitsinneqassaaq.
9. Ikuallanneq allannguuteqarpat allanartoqarpalluunniit pissutaasoq suussusersineqassaaq ikuallaanerlu unitsinneqassalluni. Nakkutilliisut nalunaaruteqarfigineqassapput, 20-21 piumasagaatit naapertorlugit.
10. Ammaannartumi ikuallaanermi annikitsukkuutaat kisimik ikuallanneqassapput.
11. Arsakut ikuallaanermilu sinnikut pujoralaat il.il. siaruatsaaliniarlugit iliuuseqartoqassaaq. Aamma ilutigalugu qulakkeerneqassaaq arsakut sialummit imikumilluunniit qaamisataasimasumik siaruartinneqannginnissaat.
12. Ikuallaanermi qulakkeerniarneqassaaq ikuallaanerup unitsinneqannginnerani eqqakkat ikuallalluarsimanissaat, qamisaaneq pereersimannngippat piumasagaatit 7, 8 aamma 9 naapertorlugit.
13. Imeq qamisaanermi atorneqartoq eqqakkanit inissiivimmit kuutsinneqassanngilaq. Pisariaqarpat tamanna pinaveersaartinniarlugu naleqquttunik iliuuseqartoqassaaq. Ilanngullugu imeq taamaattoq

- avatangiisinut kuutsinneqannginnissaa qulakkeerneqassaaq, ilanngullugu Nukissiorfimmi imermik tarajuaaalluni imiliorfiit qanitaanni.
14. Ikuallaasoqareerpat arsakut katersorneqassapput, tamatuma kingorna eqqakkanik inissiivimmi pineqartumi assanneqassapput. Tamatumani qulakkeerneqassaaq arsakut eqqakkanik inissiivimmit kuutsinneqannginnissaat teqqarneqannginnissaallu.
 15. Ikuallaaneq ataavartumik nakkutigineqassaaq.
 16. Ikuallaaneq avatangiisit eqqarsaatigalugit ullup unnuallu ingerlanerani ingerlanneqassaaq. Nakkutilliisut qaqugukkulluunniit piumasaqaateqarsinnaapput qaqugukkut ikuallaaneq ingerlanneqassanersoq, ilanngullugu avatangiisit eqqarsaatiginissaat.
 17. Ikuallaanerup avatangiisinik peqqinnissamullu kingunerlutsitsisinnaanissaata annikinnerunissaa qulakkeerniarneqassaaq nalequttut tamaasa atorlugit, tamanna akornutaassanngippat.

Ingerlatsineq akornusersorneqartillugu ajutoortoqartillugulu piareersimanissamut iliuisissat

18. Kukutsiviusup qanitaani annikinnerusumik ikuallattunut qamitsissutinik peqassaaq.
19. Kommune piaartumik nammineerluni pisarialinnik suliniuteqassaaq iliuseqassallunilu ingerlatsinermi akornutaasut ajutoornerilluunniit annikillisinniarlugit.
20. Ajutoortoqartillugu ingerlatsinermilu akornuteqartoqartillugu nakkutilliisut piaartumik nalunaaruteqarfigineqassapput, avatangiisinut akornutaassappata. Nakkutilliisunut nalunaaruteqarnerup ingerlatsinermi akornutaasut kinguneri ajutoornerilluunniit kommunip pisussaaffia annikillisissanngilaat.
21. Allaaserinnilluni nassuiaat pisoqareerneranit kingusinnerpaamik sapaatip akunnera qaangiuppat Nakkutilliisut tigoreersimassavaat. Nassuiaammi allanneqassaaq suliniutit sorliit ingerlanneqarnersut/aallartinneqassanersut siunissami assigusunik pisoqarnissaa pinaveersaarniarlugu.

Ingerlatsinermi sulisunut piumasaqaatit il.il.

22. Ammaannartumik ikuallaaneq ingerlatsinermi sulisunit ilitsersorneqarsimasunit ingerlanneqassaaq, qulakkeerniarlugu ikuallaaneq avatangiisinut, sillimaniarnermut teknikimullu tunngatillugu illersorneqarsinnaasumik ingerlanneqassaaq. Ilitsersuummut ilaassaapput:
 - a. Ikuallaanermik kukutsineq, aserfallatsaaliineq naammassinninnerlu.
 - b. Eqqakkanik ikuallanneqarsinnaasunik ikuallanneqarsinnaanngitsunillu immikkoortiterisoqassaaq.
 - c. Ikuallaanermi arsakunik/sinnikunillu suliarinninneq.
 - d. Maskiinamik eqqakkanik suliarinninnermi atorneqartartunik ingerlatsineq.
23. Ilitsersuinerup qulakkiissavaa, ajornanngippat sulisut eqqakkanik, arsakunik, imermillu qamisaassutaasumik toqqaannartumik attuissanngitsut.
24. Ingerlatsinermi sulisunik ilitsersuinikkut ilinniartitsinikkullu qulakkeerneqassaaq oqaatsitigut ajornartorsiutit akuerineqarnissaat.

25. Qulakkeerneqassaaq ingerlatsinermi sulisut anersaartuutiniq pissarsisinnaanissaat, anersaartuutillu pisuni tamani sulisut putsumik navianartorsiorsimappata atorneqarsinnaassasut. Aammattaaq qulakkeerneqassaaq sulisut anersaartuutiniq eqqortumik atuinissaannik ilitsersorneqassasut.

Ingerlatsinermi allagaatit

26. Ammaannartumik ikuallaaviusuni ingerlatsinermi allagaateqartoqassaaq.
27. Ingerlatsinermi allagaatit paasissutissat ingerlatsinermit attuumassutillit tamaasa imarissavai, ilanngullugu paasissutissat ukua:
- Ikuallaanerit tamarmik aallartinnerini naammassinerinilu ulloq aamma piffissaq.
 - Ikuallaanerni tamani eqqakkat amerlassusaat arsakullu pilersinneqartut.
 - Ingerlatsinermi akornutaasut kiisalu pisut ajutoornerillu avatangiisinut tunngasut ilaappata, ilanngullugu qamisaaanerit pilersaarutaariinngitsut.
28. Ingerlatsinermi allagaatit assiliartalinnik uppersaatinik videonillu ilaqassapput, minnerpaamik ukua ilanngullugit:
- Assit ikuallaanerni tamani assilineqartut immikkoortiterinermi uppersaataasussat.
 - Assit ikuallaanerup ingerlanerani ikuallaaneq naammaginartumik ingerlanneqarnerani uppersaataasussat.
 - Assit ikuallaanerup kingorna ikuallaaneq naammaginartumik ingerlanneqarnerani uppersaataasussat.
 - Assit arsakunik assaanermit atorneqartut, assaanerup naammaginartumik itissuseqarneranut naammaginartumillu matuneqarneranut uppersaataasussat.
29. Ingerlatsinermi allagaatit Nakkutilliisunut takutinneqassapput naammattumillu allaaserisoqarsimassalluni, ingerlatsinermi akisussaasup Nakkutilliisunut ingerlatsinermit akornutaasinnaasunik nassuiaasinnaassalluni, ilanngullugu ajornartorsiutit avatangiisinut kinguneqartitsisimasut kinguneqartitsisinnaasullu.
30. Ingerlatsinermi allagaatit piunasaqartoqartillugu aamma Nakkutilliisunut nassinneqassapput.
31. Ingerlatsinermi allagaatit ukiuni tallimani paarineqassapput.

Nakkutilliinikkut piunasaqaatit

32. Nakkutilliisut qaqugukkulluunniit ikuallaaneq nakkutigisinnaavaat, aamma ingerlaannartumik qamisaaanissaq piunasaarisinnaallugu, ilanngullugu akornutaasunik akuerineqarsinnaanngitsunik allanillu ajornartorsiutiniq paasissutissanik ammaannartumut ikuallaanermut atassuteqartunut tigusaqartoqarsimatillugu.
33. Nakkutilliisut nakkutilliinermi uuttortaarnermik ingerlatsinissamut piunasaqarsinnaapput, avatangiisinut peqqinnissamulluunniit akornutaasinnaasoqartillugu, ilanngullugit silaannakkut mingutsitsineq, imikoorneq, imissaq pisorpalullu. Uttortaarnernut tamakkununga tunngavigineqarput qanittumi najugaqarfiit imaluunniit imeqarfiit. Uttortaarnert Nakkutilliisunit akuerisaannit laboratoriamit

ingerlanneqassapput. Uttortaanerup nalaani siallissanngilaq, nunalu apisimassanani, tamanna nakkutilliisut akuerisimanngippassuk.

34. Nakkutilliisut taamaattoqartillugu ikuallaanermi piumasaqarsinnaapput, naliliisoqarpat pisariaqartoq, ilanngullugu inuit peqqinnissaat avatangiisillu illersorneqarnissaat eqqarsaatigineqassasoq. Piumasaqaatit allat nalequttumik piffissalerlugu kallerriutigineqassaaq, ingerlaannartumik akulerunnissaq pisariaqanngippat.

4. Maalaarsinnaanermut ilitsersuineq

Avatangiisnut inatsit § 60, imm. 1, nr. 1-4 naapertorlugu ammaannartumik ikuallaanissamut immikkut akuersissuteqarallarnissamik Naalakkersuisut aalajangiinerat pillugu Avatangiisinik illersuinerlut tunngatillugu maalaaruteqartarfik naammagittaalliorfigineqarsinnaavoq. Naammagittaalliummik tunniussisinnaavoq:

- Aalajangiiffigineqartut.
- Nunatsinni Nakorsaaneqarfik.
- Kinaluunniit suliap qanoq naammassineqarnissaanut nammineq immikkut annertuumillu soqutigisaqartoq.
- Peqatigiiffiit suleqatigiiffiillu, malittarisassatik naapertorlugit nunanik peqqissarfiullutik qasuersaarfiusartunik, avatangiisinik pinngortitamillu annertuumik soqutigisanik isumagisaqarnissamik siunertaqartut.

Immikkut akuersissutit ullormit kommunimut nalunaarutigineqarneranit sapaatip akunneri arfinillit qaangiunnerini naammagittaalliuuteqartoqassaaq.

Naammagittaalliutaasinnaasut Avatangiisinik Illersuineq pillugu Naammagittaalliutit pillugit Ataatsimiititaliamut allagaqaataassapput, uungali nassiunneqassallutik:

Nunalerinermut, Imminut Pilersornermut, Nukissiutinut
Avatangiisinullu Naalakkersuisoqarfik
Imaneq 1A
Postboks 1614
3900 Nuuk

Naalakkersuisoqarfik taamaalereerpat naammagittaalliut avatangiisit pillugit naammagittaalliuuteqartarfimmu nassiutissavaa atortussanik suliap aalajangiivigineqarnerani ilanngunneqarsimasunik ilanngussivigalugu. Peqatigitillugu suliamut peqataasut nalunaarfigineqassapput suliap naammagittaalliuutigineqarneranik takkuttoqarsimasoq.

Immikkut akuersissuteqarnek pillugu maalaaruteqarnek kinguartitsinermik sunniuteqassanngilaq, avatangiisnut inatsimmi § 63, imm. 1 naapertorlugu.

Immikkut akuersissuteqarnerup kingorna qaammatit arfinillit qaangiutinnginnerini aalajangiineq eqqartuussivimmut suliassanngortinneqarsinnaavoq.

Oversat af Pernille Kristensen

Inussiarnersumik inuulluaqqusillunga
Med venlig hilsen

Kalistat Lund